

Siunnersuummut oqaaseqaatit

## Oqaaseqaatit nalinginnaasut

### 1. Aallarniut

Nunatsinni suliffeqarfiit, nunani allanit sulisorisanik attartortut, suliffeqarfik isumaqatigiisummik atsiugaqartoqartooq pillugu akileraartarnermut ingerlatsivimmut paasissutissanik tunniussaqaartarnissaannut pisussaaffeqalernissaat siunnersuutigineqarpoq. Nalunaaruteqarnissamut pisussaaffigisaq nunanit allanit sulisartut Kalaallit Nunaanni sulianik isumaginninnerminni akileraaruteqartussaataitaanissaasa siuarsarnissaannut ilapittuutaassaaq.

### 2. Siunnersuummi pingaarnertitat

Aningaasarsianit akileraarutit pillugit Inatsisartut inatsisaanni § 76, imm. 4-mik ilanngussaqaarnikkut sulisorisanik atukkiussineq pillugu malittarisassiat Inatsisartut inatsisaat nr. 18, 26. juni 2017-imeersukkut ilanngunneqarput. Sulisorisanik atukkiussinermiippat sulisut nunatsinni suliffeqarfimmut inuttut suliaqarnermik isumagisaqarnissamut atorneqarsinnaasunnngortitaanerini, aammalu suliffimmi tassani sulisuusut akuusutut ilaasutut ittuunerit. Maleruagassat nunatsinni pisortat sulisunik pisortamut nammineq suliaqarnissamut attartugassannngortinneqartunut, tassanilu pisortami sulisut ilanngunneqartussanut, aamma atuupput. Sulisut pisumi tassani nunanit allanit sulisitsisuminnit atugarisatik attappaat. Akileraartarnermut tunngatillugu pingaartinneqarpoq, sulisut sulisitsisuiat tassaasoq nunatsinnit sulisitsisuiusoq.

Taamaattumik nunatsinni sulisitsisoq inunmut attartugarisaminnut nunatsinni sulisitsisoq akissarsianit akileraarutininik unerartitsinissamut pisussaaffeqarpoq. Danmarkimi sulisorisanik atukkiussineq pineqartillugu nunatsinnit suliffeqarfik sulisorisanik attartugaqartoq akileraarutininik unerartitsisussaangilaq, takuuk aningaasarsianit akileraarutit pillugit Inatsisartut inatsisaanni § 76, imm. 4-mi naggat kingulleq. Akileraartitsinnginnermut tunngaviuvoq illugiilluni akileraarutininik unerartitsinissamik isumaqatigiissut. Isumaqatigiissut malillugu Danmark aamma Kalaallit Nunaat illugiillutik isertitanik akileraarutininik unerartitsinissamut pisussaaffeqarput, akileraarullu akileraartitsisussamut nuuttartussaavaat.

Akileraartarnermut ingerlatsiviup sanaartorfinnut il.il. arlalinnut nakkutilliinerminut atatillugu takusaanermi paasisimavaa, Kalaallit Nunaannut eqqortumik akileraarutininik akiliisoqarneq ajortoq. Ilaatigut nunatsinnit suliffeqarfiit suliffeqarfinnit Danmarkimeersunit imaluunniit nunanit allaneersunit suliffeqarfinnit, Danmarkimi pigisamittut ingerlatseqatigiiffeqartunit sulisartunik attartortarsimapput.

Unerartitsinissamik illugiilluni isumaqatigiissuteqarneq amerlasuutigut akileraartitsinermik akileeqquisarnermik oqilisaataasunik kinguneqarpoq. Sulisorisanulli atukkiisarnermi eqqortumik akileraarutininik akiliisoqartanngikkaangat, tamanna akileraartarnermut ingerlatsivimmut,

suliffeqarfinnut sulisartunullu pissutsit iluarsiiviginiarneranni allaffissornikkut annertuumik nammatassamik nassataqartarpoq. Tamatuma saniatigut ilisimasat amigaataaneri, aammalu akileraarutininik akiliisoqannginneq akileraarutininik iluanaarutininik annaasaqarnermik nassataqarsinnaapput.

Taamaattumik sulisorisanik atukkiinermik isumaqatigiissutinik nunanit allanit suliffeqarfinnik, ilanngullugit Danmarkimi aamma Savalimmormiuni, suliffeqarfinnik isumaqatigiissuteqarfigisat pillugit, nunatsinni sulisitsisut paasissutissanik nalunaaruteqartarnissaat siunnersuutigineqarpoq. Inunnut suliassanut isumaginnittussatut attartugarisaminnut taakkununga aningaasarsianik akiliuteqarnerup kingorna, imaluunniit sulisorisanik atukkiinissaq pillugu isumaqatigiissummik atsiuinerup kingorna, qaammatip tulliata 10-ani kingornatigut paasissutissat taakku pillugit nalunaaruteqarnissamut pisussaaffigisaq atuutilissaaq.

Nalunaaruteqarnermut siunertaq tassaavoq sulisorisanik atukkiinermut suliffeqarfinnut nunanit allaneersunut. akileraartarnermut ingerlatsiviup saaffiginnissinnaalernissaa, aammalu akileraarutininik uninngatitsisarneq pillugu malittarisassanik siunnersuinissaq. Paasissutissat aamma sanaartorfinnik il.il. akileraartarnermut ingerlatsiviup nakkutilliisarneranut atatillugu attuumassuteqartuupput, aammalu isumaqatigiissutinik il.il. assinginik pissarsiniarnissaq pillugu nalilersuinermut attuumassuteqarlutik.

Akileraartarnermik ingerlatsiviup ilitersuineratut nalunaaruteqarneq qarasaasiakkut pissaaq. Sulisitsisut ullumikkut isertitanik A-nik nalunaaruteqartarnermut, aamma akileraarutininik A-nik akiliuteqarnissamut il.il. atugarisaanni nalunaaruteqartarnermut aaqqiissummi (Sulinal) nalunaaruteqartarnerup ilanngunnissaa naatsorsuutigineqarpoq.

Suliffeqarfiup nunatsinneersup qularutissaanngitsumik sulisorisanik atukkiinerup, pineqannginneranik aalajangiussaqaarsimanera pinngikkaangat, nalunaaruteqarnissamut pisussaaffiusoq atuutissaaq. Taamaattorli nalunaaruteqartussatut pisussaaffigisamut nalunaarut pituttuisuussanngilaq, tassani sulisorisanik atukkiisoqarnerata imaluunniit taamaattoqannginneranut. Taamaalilluni pisumi sulisorisanik atukkiisoqarnerasoq imaluunniit taamaattoqannginnerasoq pillugu, suliffeqarfik nalornissuteqassappat akileraartarnermut ingerlatsivimmuut nalunaaruteqartuassaaq. Taamaalilluni suleriaaseq tassaassariaqarpoq sulisitsisoq nalornissuteqaraangami nalunaaruteqartassalluni. Sulisorisanik atukkiinerunersoq akileraartarneq pillugu Inatsisartut inatsisaanni malittarisassiat malillugit pisuni ataasiakkaani nalilersuinikkut tunngaveqassaaq.

Naliliinermi sulisorisanik atukkiussinermi suliaq nunatsinni suliffeqarfiup nalinginnaasumik imaluunniit inuup nalinginnaasumik suliaanut ilaanersoq apeqqutaavoq, tamatumani aamma apeqqutaalluni nunami allami namminersorluni inuussutissarsiorfimmuut suliaq assingunersoq.

Tamatuma saniatigut pissutsit arlallit, soorlu kikkut sulisunik nakkutilliisussaataitanersut suliarlu kimut akiligassaanersoq aamma suliami aarlerinaateqarnersoq.

### **3. Pisortanut aningaasaqarnermi aqutsisoqarnermilu kingunerisinnaasat**

Siunnersuut pisortat allaffissorneranni malunnaatilimmik annertunerusumik nassataqassanngitsoq naatsorsuutigineqarpoq. Sulisitsisut nalunaaruteqartarnerannik naleqqussaanissamut pisariaqartitsineq siunnersuummi naatsorsuutigineqarpoq, tamannalu ataasiartumik 250.000 kr.-nik aningaasartuutaanissaa naatsorsuutigineqarpoq.

Siunnersuut sulisorisanik atukkiinermi akileraarutinik akiliisitsiniarnermut, aamma kukkussutaasunik pinngitsoortitsiniarnermi akileraartarnermut ingerlatsivimmuq periarfissanik pitsaanerusunik kinguneqassasoq naatsorsuutigineqarpoq, taamaalilluni allaffissornermi aningaasartuutit ikilineqassammata. Taamaattumik isertitat maannakkut missiliorneqarsinnaanngillat.

Siunnersuut uninngatitsinermi pisussaaffiup eqqortinneranut iluaqutaassasoq naatsorsuutigineqarpoq, aammalu Kalaallit Nunaanni sulisorisanik atukkiinernut sulisinneqartunut eqqortumik akileraarutinik akiliisinneqarnerannik kinguneqassalluni.

### **4. Inuussutissarsiorfimmuq aningaasaqarnermi aqutsisoqarnermilu kingunerisinnaasat**

Siunnersuut nalunaaruteqarnermut attuumassuteqartunik killilimmik suliffeqarfimmut annertunerusumik allaffissornerulernermik kinguneqassaaq.

Sulisitsisut suleriaasianni pioreersuni ilanngunneqarsinnaasunik pisariunngitsumik nalunaaruteqarnissaq pingaartinneqarpoq. Taamaattumik suliassaq killeqartoq naatsorsuutigineqarpoq, taamaattorli nunanit allanit sulisorisanik atukkiinerup annertussusia apeqqutaassalluni.

### **5. Pinngortitamut, avatangiisinut inuillu peqqissusaannut kingunerisinnaasat**

Siunnersuut pinngortitamut, avatangiisinut inuillu peqqissusaannut kinguneqarnissaa naatsorsuutigineqanngilaq.

### **6. Innuttaasunut kingunerisinnaasat**

Siunnersuut innuttaasunut kinguneqarnissaa naatsorsuutigineqanngilaq.

### **7. Kingunerisinnaasat pingaaruteqartut allat**

Siunnersuut tamakku saniatigut annertuunik allanik kinguneqarsinnaanera naatsorsuutigineqanngilaq.

**8. Oqartussaasuni aamma kattuffinni il. il. tusarniaaneri**

Siunnersuut piffissami 11. juni 2024-mit 5. juli 2024-mut ataani taaneqartuni tusarniaassutaasimavoq: Sulisitsisut (Grønlands Erhverv (GE)), Sulinermik Inuusutissarsiuteqartut Kattuffiat (SIK), NUSUKA, Deloitte, Grønlands Revisionskontor, BDO, PWC, BK Revision, Nunatsinni Advokatit.

Siunnersuut Naalackersuisut tusarniaassutigisanut nittartagaanni, naalackersuisut.gl-imiittumi tamanut saqqummiunneqarsimavoq.

Tusarniaanermut allakkamut ilanngussaq 2 innersuutigineqarpoq.

**Siunnersuummi aalajangersakkanut ataasiakkaanut oqaaseqaatit***§ 1-imut*

§ 30 b-mi ilassutaasumi siunnersuutigineqarpoq, tassunga suliffiutimini nunanit allanit, ilanngullugit Danmarkimit imaluunniit Savalimmiunit suliffeqarfinnit sulisorisanik atukkiussinerunersut suliffeqartitsisup nalunaaruteqartarnissaata ilanngunnissaa siunnersuutigineqarpoq.

Aalajangersakkami imm. 1-imi kikkut nalunaaruteqarnissamut pisussaaffeqarnerat, suut nalunaarutigineqassanerat, aammalu qaqugukkut nalunaaruteqartoqassanersoq aalajangersarneqarput.

Suliffeqarfiup nalunaaruteqarnissamut pisussaaffeqartup isumaqatigiisummik atsiugaqarfigisap suliffeqarfiup nunanit allaneersup, ilanngullugillu Danmarkimeersup imaluunniit Savalimmiuneersup aqqa, taassumalu nalunaarsugaanerata normua nalunaarutigissavai. Danmarkimi suliffeqarfik pineqartillugu tamanna tassaassaaq taassuma CVR-normua.

Inunnut sulisussatut attartorneqartunut taakkununga akissarsianik akiliisoqarnerata, imaluunniit sulisorisanik atukkiussinerit pillugit isumaqatigiisutip atsiornerata kingornatigut qaammammi kingusinnerpaamik 10-anni paasissutissat nalunaarutigineqassapput. Inunnut suliassanut attartugarisanut taakkununga akissarsianik akiliuteqarfinnut qaammatinut ataasiakkaanut taakkununga nalunaaruteqarnissamut pisussaaffigisaq atuuppoq.

Nalunaaruteqarnerup qanoq pissanerani akileraartarnermut ingerlatsivik innersuusseqqullugu pisussaaffilerneqassaaq. Tamanna assersuutigalugu paasissutissat qarasaariakkut nalunaaruteqarnissamut immersugassamik atuinikkut nalunaarutaasarnissaasigut aalajangiiffigineqarsinnaavoq.

Aalajangersakkami imm. 2-mi nalunaarutip pisussaaffiunera atuutissasoq erseqqissaavigineqarpoq, taamaattorli nalunaaruteqarnissamut pisussaaffeqartoq qularutissartaqanngitsumik nassuiaanermik ilaqartillugu sulisorisanik atukkiussinerup pineqannginnera aalajangiusimassappagu atuutissanngilaq. Sulisorisanik atukkiussaqaqarnermik nalilersuineq pillugu aningaasarsianit akileraarutit pillugit Inatsisartut inatsisaanni § 76, imm. 4 innersuutigineqarpoq, ilaallutik inatsimmut oqaasertaliussat, aammalu akileraartarnermut ilanngaatit pillugit akileraartarnermut ingerlatsiviup ilitersuutaa.

Taamaattumik sulisorisanik atukkiussinerumik pisoqannginneranik pisarialittut qularutissartaqanngitsumik nalunaaruteqarnissamut pisussaaffeqartoq aalajangiisimassappat nalunaaruteqartoqassaaq. Taamaattorli sulisorisanik atukkiussineq pillugu apeqqummut nalunaarut pituttuisuunngilaq.

Aalajangersakkami imm. 3-mi inunnik sulisorisanik attartugarisanut taakkununga nalunaaruteqartussatut pisussaaffilik taanna akileraarutininik akiliisitsisimassappat, siunnersuutigisatut § 30 a-mi nalunaaruteqarnissamut pisussaaffigisap atuutissannginnera aalajangersarneqarpoq.

Taamaalilluni Danmarkimi suliffeqarfimmit sulisorisanik atukkiussineq pineqarpat, imaluunniit Savalimmiunit nunanit allanilluunniit suliffeqarfinit sulisorisanik atukkiussineq pineqarpat, aammalu inunnit sulisorisanik attartugarisanut akissarsianit nalunaaruteqarnissamut pisussaaffeqartoq, akileraarutininik akiliisitsisimanngippat aalajangersagaq atorpeqassaaq, takuuk aningaasarsianit akileraarutit pillugit Inatsisartut inatsisaanni § 76, imm. 4. Taamaattorli siunnersuummi imm. 3-mit malitsigisaasutut nalunaaruteqarnissamut pisussaaffeqartup qularutissartaqanngitsumik sulisorisanik atukkiussaqaqanngitsoq aalajangiiffigisimappagu, nalunaaruteqarnissamut pisussaaffeqartoqassanngilaq.

#### *§ 2-mut*

Imm. 1-imut

Aalajangersagaq 1. januar 2025 aallarnerfigalugu atuutlernissaa siunnersuutigineqarpoq.

Imm. 2-mut

Aammattaaq ulloq taanna sioqqullugu, taamaattorli 2025-mi suli ingerlanneqartumut sulisorisanik atukkiussineq pillugu isumaqatigiissutinut aalajangersakkap atuunnissaa siunnersuutigineqarpoq. Assersuutigalugu taamaalilluni isumaqatigiissut ulloq 1. november 2024-mi atsiorneqarsimassappat nalunaaruteqarnissamut pisussaaffeqartoq 2025-mi, aningaasarsianit akileraarutit pillugit inatsimmi § 76, imm. 4-mi ilaasuni, inunnik sulisoqarpat nalunaaruteqassaaq.

## Ilannugsaq 1

Siunnersuut inatsimmut atuuttumut sanilliullugu	
Oqaasertaa atuuttoq	Siunnersuut
	<p style="text-align: center;"><b>§ 1</b></p> <p>Akileraaruserinermik ingerlatsineq pillugu Inatsisartut inatsisaat nr. 11, 2. november 2006-meersumi, takuuk Akileraaruserinermik ingerlatsineq pillugu Inatsisartut inatsisaat pillugu Namminersorlutik Oqartussat nalunaarutaat, Inatsisartut inatsisaat nr. 12, 1. december 2021-meersumi, Inatsisartut inatsisaat nr. 20, 21. november 2023-meersumi kiisalu Inatsisartut inatsisaat nr. 65, 20. november 2023-meersumi allanngortinneqartumi makkuninnga allannguuteqartoqarpoq:</p>
	<p><b>1.</b> § 30 a-p kingorna inissinneqassaaq: ” <b>30 b.</b> Kikkulluunniit suliffimmi inunnik pissutsini, aningaasarsianit akileraarutit pillugit Inatsisartut inatsisaanni § 76, imm. 4-mi ilaasuni, atorfeqartitsisimasut, imaluunniit inunnut suliffeqartitanut taakkununga akissarsisitsisimasut sulisorisanik atukkiussineq pillugu isumaqatigiissutip atsiornarata kingornatigut ukiumi qaammammi tulliuttumi, kingusinnerpaamik 10.-anni, sulisorisanik atukkiussinermik isumaqatigiissutip atsiorneqarfiani suliffeqarfiup nunani allaneersup, ilanngullugu Danmarkimi imaluunniit Savalimmiormiuni suliffeqarfiup suunera pillugu paasissutissanik akileraartarnermik ingerlatsivimmut nassiussaqaassaaq, ilaassallutik suliffeqarfiup inuussutissarsiorfittut nalunaarsugaanerata normua pillugu paasissutissat. Paasissutissat akileraartarnermik ingerlatsiviup innersuussutaata ilusaatut qarasaasiakkut tunniunneqassapput.</p>

	<p><i>Imm. 2.</i> Taamaattorli imm. 1-imi pisussaaffigisaq atuutissanngilaq nalunaaruteqarnissamut pisussaaffeqartoq, attuumassutilittut sianigisassanik ilanngussaqaqarnermigut aningaasarsianit akileraarutit pillugit Inatsisartut inatsisaanni § 76, imm. 4, oqaaseqatigiit 1-2-mi nassuiarneqartutut sulisorisanik atukkiussinerit pineqannginnerat aalajangiussimappagu. Imm. 1 malillugu nalunaaruteqarneq nalunaaruteqarnissamut pisussaaffeqartup kingusinnerusukkut akileraartarnermut ingerlatsivimmut sulisorisanik atukkiussineq pillugu pineqannginneranut akornusiinngilaq.</p> <p><i>Imm. 3.</i> Imm. 1 malillugu, nalunaaruteqarnissamut pisussaaffigisaq aningaasarsianit akileraarutit pillugit Inatsisartut inatsisaanni § 76, imm. 4, oqaaseqatigiit 1-2 malillugit inunnut suliffeqartitanut taakkununnga akissarsianit nalunaaruteqarnissamut pisussaaffilik akileraarusiisimagaangat aamma atuutissanngilaq.</p>
	<p style="text-align: center;"><b>§ 2</b></p> <p>Inatsisartut inatsisaat 1. januar 2025-mi atuutilissaaq, aammalu ukioq isertitaqarfiusoq 2025 aallarnerfigalugu atuuppoq.</p> <p><i>Imm. 2.</i> § 1, nr. 1 aamma sulisorisanik atukkiussinernut isumaqatigiissutinut, 1. januar 2025 sioqqullugu atsiorneqarsimasunut atuuppoq, sulisorisanik atukkiussinermut isumaqatigiissut 31. december 2024-p kingorna atuuttuutillugu. Pisoqarfinni taama ittuni § 30 b, imm. 1 malillugu, kingusinnerpaamik ulloq 10.</p>

	februar 2025-mi paasissutissat tunniunneqassapput.
--	---



**Ilanngussaq 2**

**Tusarniaanermi akissuteqaatit**

Siunnersuut pillugu tulliuttunit tusarniaanermi akissutit tiguneqarput: Sulisitsisut Kommuneqarfik Sermersoorlu

Tusarniaanermi suliami ilaasut tulliuttut oqaaseqaaseqarlutik tusarniaanermi akissuteqarput siunnersuummut uunga: Soqanngilaq.